

**PEMBERITAHUAN PERTANYAAN DEWAN RAKYAT**

**PERTANYAAN : BUKAN JAWAB LISAN**

**DARIPADA : DATUK LIANG TECK MENG  
[SIMPANG RENGGAM]**

**SOALAN : 101**

**Datuk Liang Teck Meng [Simpang Renggam] minta MENTERI KOMUNIKASI DAN MULTIMEDIA** menyatakan tindakan yang telah dan akan diambil ke atas salahlaku pengguna media sosial yang menghasut, mencemar dan tidak berperikemanusiaan terhadap sesuatu isu terutamanya ahli politik dan aktivis pro politik.

**JAWAPAN:**

Tuan Yang di-Pertua,

Bagi tempoh Januari hingga akhir bulan April tahun 2016, Kementerian melalui Suruhanjaya Komunikasi dan Multimedia Malaysia (SKMM) telah menyiasat sebanyak 48 kes penyalahgunaan internet dan media baru yang dikenalpasti, khususnya di bawah Seksyen 233 Akta Komunikasi dan Multimedia 1998.

Pihak SKMM sentiasa memantau penyalahgunaan media sosial dari semasa ke semasa, dan sekiranya terdapat kandungan yang bercanggah dengan Akta Komunikasi dan Multimedia 1998 ataupun mana-mana undang-undang bertulis di Malaysia, tindakan sewajarnya akan diambil.